

Na osnovu člana 193. stav (2) Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", br. 39/03, 22/06 i 43/10), na prijedlog direktora Federalne uprave civilne zaštite, Vlada Federacije Bosne i Hercegovine, na 209. sjednici, održanoj 06.02.2020. godine, donosi

UREDBU

O VRSTI, KRITERIJIMA I POSTUPKU ZA DODJELU PRIZNANJA I NAGRADA CIVILNE ZAŠTITE

I - OSNOVNE ODREDBE

Član 1.

(Predmet uredbe)

Ovom uredbom utvrđuju se vrste, kriteriji i izgled priznanja i nagrada civilne zaštite za naročito uspješan rad, djela i zasluge u oblasti zaštite i spašavanja, kao i postupak za dodjelu i vođenje evidencije o dodijeljenim priznanjima i nagradama civilne zaštite u Federaciji Bosne i Hercegovine (u daljem tekstu: Federacija).

Član 2.

(Subjekti kojima se dodjeljuju priznanja i nagrade civilne zaštite)

- (1) Priznanja i nagrade civilne zaštite dodjeljuju se građanima, udruženjima građana, humanitarnim i drugim organizacijama, javnim ustanovama, privrednim društvima i drugim pravnim licima, štabovima, jedinicama i povjerenicima civilne zaštite, službama zaštite i spašavanja, federalnim i kantonalnim ministarstvima, upravama i upravnim organizacijama, službama za upravu općina i grada, kao i stranim državljanima, međunarodnim vladinim i nevladinim organizacijama, udruženjima i institucijama (u daljem tekstu: pojedinci i kolektivi).
- (2) Priznanja i nagrade civilne zaštite pojedincima i kolektivima iz stava (1) ovog člana dodjeljuju se svake godine na svečanoj sjednici Federalnog, kantonalnog, općinskog odnosno gradskog štaba civilne zaštite u povodu 1. marta, Dana civilne zaštite Federacije.
- (3) Izuzetno, direktor Federalne uprave civilne zaštite, direktor kantonalne uprave civilne zaštite, općinski načelnik i gradonačelnik, može dodijeliti pisanu pohvalu i zahvalnicu iz člana 3. stav (2) tač. c) i d) ove uredbe i u drugim prilikama tokom godine.
- (4) Priznanja i nagrade civilne zaštite mogu se dodijeliti pojedincima i posthumno na način da se uruče članovima uže porodice.

II – VRSTE, KRITERIJI ZA DODJELU I IZGLED PRIZNANJA I NAGRADA CIVILNE ZAŠTITE

Član 3.

(Vrste priznanja i nagrada civilne zaštite)

- (1) Priznanja i nagrade civilne zaštite dodjeljuju se kao pojedinačne i kolektivne i imaju za cilj opće poštovanje i isticanje pojedinaca i kolektiva.
- (2) Priznanja i nagrade iz stava (1) ovog člana su:
 - a) Plaketa civilne zaštite,
 - b) Značka civilne zaštite,
 - c) Pisana pohvala civilne zaštite,
 - d) Pisana zahvalnica civilne zaštite i
 - e) Novčana nagrada.

Član 4.

(Kriteriji za dodjelu plakete civilne zaštite)

Plaketa civilne zaštite (u daljem tekstu: Plaketa) dodjeljuje se pojedincima i kolektivima koji su ispoljili izuzetnu hrabrost, humanost i samopožrtvovanje u zaštiti i spašavanju ljudi i materijalnih dobara od prirodnih i drugih nesreća (u daljem

tekstu: zaštita i spašavanje) ili nesebičnim radom i angažovanjem dali izuzetan doprinos u organizovanju, opremanju i jačanju sistema zaštite i spašavanja u Federaciji.

Član 5.

(Kriteriji za dodjelu značke civilne zaštite)

Značka civilne zaštite (u daljem tekstu: Značka) dodjeljuje se pojedincima za ispoljenu hrabrost u zaštiti i spašavanju ili postignute značajne rezultate u radu na organizovanju, opremanju i jačanju sistema zaštite i spašavanja u Federaciji.

Član 6.

(Kriteriji za dodjelu pisane pohvale civilne zaštite)

Pisana pohvala civilne zaštite (u daljem tekstu: Pohvala) dodjeljuje se službama zaštite i spašavanja, jedinicama civilne zaštite, vatrogasnim jedinicama i drugim strukturama zaštite i spašavanja, kao i pojedincima isključivo za:

- a) poseban doprinos u rukovođenju akcijama zaštite i spašavanja,
- b) uloženi rad, zalaganje i ostvarene natprosječne rezultate koji su postignuti samostalno ili zajedničkim djelovanjem tokom angažovanja u akcijama zaštite i spašavanja na izvršavanju konkretnih zadataka.

Član 7.

(Kriteriji za dodjelu pisane zahvalnice civilne zaštite)

Pisana zahvalnica civilne zaštite (u daljem tekstu: Zahvalnica) dodjeljuje se pojedincu, pravnom licu i drugim domaćim i međunarodnim organizacijama izvan organizovanih struktura zaštite i spašavanja za ostvarenu saradnju, pruženu podršku i pomoć koja je bila od izuzetnog značaja za organizaciju, razvoj i izgradnju sistema zaštite i spašavanja na način da su:

- a) osigurali određena materijalno - tehnička sredstva i opremu za potrebe civilne zaštite,
- b) donirali značajna materijalno - tehnička sredstva i opremu za potrebe civilne zaštite,
- c) uspješni u području inovacija za razvoj novih materijalno – tehničkih sredstava i opreme,
- d) objavili naučne i druge stručne radove kojim se doprinosi unapređenju rada struktura civilne zaštite ili sistema zaštite i spašavanja.

Član 8.

(Kriterij za dodjelu novčane nagrade)

- (1) Novčana nagrada civilne zaštite dodjeljuje se državnim službenicima i namještenicima organa civilne zaštite za:
 - a) izuzetno uspješno obavljene zadatke i ostvarene natprosječne rezultate od značaja za unapređenje organizacije i funkcionisanja sistema zaštite i spašavanja,
 - b) posebne zasluge u realizaciji međunarodnih, regionalnih i drugih projekata u području zaštite i spašavanja,
 - c) objavljen naučni ili stručni rad kojim se doprinosi unapređenju rada struktura civilne zaštite ili sistema zaštite i spašavanja,
 - d) promovisanje humanitarnih i volonterskih akcija zaštite i spašavanja, kao i
 - e) uspješan rad i rezultate postignute tokom trajanja radnog odnosa u organu civilne zaštite.
- (2) Visinu novčane nagrade utvrđuje direktor Federalne uprave civilne zaštite, direktor kantonalne uprave civilne zaštite, odnosno općinski načelnik i gradonačelnik do iznosa jedne prosječne neto plaće isplaćene u Federaciji.

Član 9.

(Izgled Plakete)

- (1) Plaketa se sastoji od okrugle metalne ploče prečnika 97 mm i debljine 4 mm na kojoj je utisnut znak civilne zaštite

Federacije (plave, narandžaste i bijele boje), a koja je pričvršćena na drvenu ploču dimenzija 218x180x19 mm. Prednja strana drvene ploče je svijetlo smeđe, a rubovi i poledina tamno smeđe boje. U podnožju drvene ploče sa prednje strane smještena je metalna pločica zlatne boje dimenzija 93x23x4 mm na kojoj se upisuje ime i prezime nagrađenog pojedinca, odnosno naziv kolektiva. Na poleđeni Plakete nalaze se tri okrugla udubljenja prečnika 7 mm i dva paralelna udubljenja na rastojanju 85 mm dimenzija 90x9 mm za smještaj drvenih štiftova dimenzija 80x8mm, za stavljanje plakete na zid, odnosno čvrstu podlogu.

- (2) Plaketa se uručuje u kutiji tamnoplave boje vanjskih dimenzija 243x220x40 mm i izrađuje od tvrdog materijala-ljepenke presvučene plišom debljine 3 mm. U unutrašnjosti kutije je spužvasti jastučić obložen tamnoplavom plišanom presvlakom i prilagođen za smještaj Plakete.
- (3) Izgled Plakete i pisanog priznanja o dodjeli plakete iz člana 16. stav (2) ove uredbe prikazan je u Prilogu broj 1.

Član 10.

(Izgled Značke)

- (1) Značka je okruglog oblika prečnika 18 mm i debljine 1,5 mm i izrađuje se od tombaka. Na prednjoj strani Značke utisnut je znak civilne zaštite Federacije, odnosno kantona (plave, narandžaste i bijele boje), a na poleđini Značke pričvršćena je igla sa mehanizmom za pričvršćivanje/kačenje.
- (2) Značka se uručuje zajedno sa metalnom pločicom zlatne boje dimenzija 60x20x1,5 mm na kojoj se upisuje ime i prezime nagrađenog pojedinca u kutiji tamno plave boje vanjskih dimenzija 90x90x24 mm. U unutrašnjosti kutije koja se izrađuje od tvrdog materijala-ljepenke presvučene plišom debljine 10 mm je spužvasti jastučić obložen tamno plavom plišanom presvlakom i prilagođen za smještaj Značke i pločice.
- (3) Izgled Značke i pisanog priznanja o dodjeli Značke iz člana 17. stav (2) ove uredbe prikazan je u Prilogu broj 2.

Član 11.

(Izgled Pohvale)

- (1) Pohvala sadrži naziv štaba civilne zaštite, znak civilne zaštite Federacije, kantona, općine i grada, ime i prezime nagrađenog pojedinca, odnosno naziv kolektiva, broj odluke iz člana 14. stav (2) ove uredbe, mjesto, datum i potpis komandanta štaba civilne zaštite.
- (2) Pohvala se izrađuje u formatu A4 i štampa na tvrdom papiru.
- (3) Izgled Pohvale nalazi se u Prilogu broj 3.

Član 12.

(Izgled Zahvalnice)

- (1) Zahvalnica sadrži naziv štaba civilne zaštite, znak civilne zaštite Federacije, kantona, općine i grada, ime i prezime nagrađenog pojedinca, odnosno naziv kolektiva, broj odluke iz člana 14. stav (2) ove uredbe, mjesto, datum i potpis komandanta štaba civilne zaštite.
- (2) Zahvalnica se izrađuje u formatu A4 i štampa na tvrdom papiru.
- (3) Izgled Zahvalnice nalazi se u Prilogu broj 4.

III - POSTUPAK ZA DODJELU I EVIDENCIJA O DODIJELJENIM PRIZNANJIMA I NAGRADAMA

Član 13.

(Dostavljanje prijedloga)

Pojedince i kolektive za priznanja i nagrade civilne zaštite mogu predlagati štabovi, službe zaštite i spašavanja i jedinice civilne zaštite, federalna i kantonalna ministarstva, uprave i

upravne organizacije, službe civilne zaštite općine i grada, kao i udruženja građana, humanitarne i druge organizacije, javne ustanove, privredna društva, pravna i fizička lica na obrascima koji se nalaze u Prilogu broj 7.

Član 14.

(Organi kojima se dostavljaju prijedlozi)

- (1) Prijedlozi za dodjelu priznanja i nagrada civilne zaštite dostavljaju se organima civilne zaštite i to za:
 - a) Plaketu – Federalnoj upravi civilne zaštite,
 - b) Značku – Federalnoj i kantonalnoj upravi civilne zaštite,
 - c) Pohvalu – Federalnoj i kantonalnoj upravi civilne zaštite, odnosno službi civilne zaštite općine i grada,
 - d) Zahvalnicu – Federalnoj i kantonalnoj upravi civilne zaštite odnosno službi civilne zaštite općine i grada,
 - e) Novčanu nagradu - Federalnoj i kantonalnoj upravi civilne zaštite odnosno službi civilne zaštite općine i grada.
- (2) Odluku o dodjeli priznanja i nagrada civilne zaštite pojedincima i kolektivima donosi Federalni i kantonalni štab civilne zaštite, odnosno štab civilne zaštite općine i grada na prijedlog direktora Federalne uprave civilne zaštite, direktora kantonalne uprave civilne zaštite, odnosno općinskog načelnika i gradonačelnika.
- (3) Izgled odluke iz stava (2) ovog člana nalazi se u Prilogu broj 6.

Član 15.

(Komisija za provođenje postupka dodjele priznanja i nagrada civilne zaštite)

- (1) Direktor Federalne uprave civilne zaštite, direktor kantonalne uprave civilne zaštite, odnosno općinski načelnik i gradonačelnik za provođenje postupka dodjele priznanja i nagrada civilne zaštite, rješenjem imenuje komisiju koja se sastoji od predsjedavajućeg, dva člana i sekretara.
- (2) Komisija provodi postupak za dodjelu priznanja i nagrada civilne zaštite na osnovu pisanog akta ili javnog poziva koji se objavljuje na web stranici Federalne i kantonalne uprave civilne zaštite, odnosno općine i grada, obavlja prikupljanje i ocjenu prijedloga, predlaže listu pojedinaca i kolektiva koji su ispunili kriterije i kratko obrazloženje za dodjelu svakog od priznanja i nagrada.
- (3) Listu sa obrazloženjem iz stava (2) ovog člana komisija dostavlja direktoru Federalne uprave civilne zaštite, direktoru kantonalne uprave civilne zaštite, odnosno općinskom načelniku i gradonačelniku na osnovu koje se izrađuje prijedlog odluke iz člana 14. stav (2) ove uredbe.

Član 16.

(Dodjela Plakete)

- (1) Plaketu dodjeljuje Federalni štab civilne zaštite.
- (2) Uz Plaketu se uručuje i pisano priznanje o dodjeli Plakete koje sadrži: ime i prezime nagrađenog pojedinca, odnosno naziv kolektiva, broj odluke iz člana 14. stav (2) ove uredbe, mjesto, datum i potpis komandanta Federalnog štaba civilne zaštite.
- (3) Pisano priznanje iz stava (2) ovog člana izrađuje se u formatu A4, štampa na tvrdom papiru i uručuje nagrađenom pojedincu, odnosno kolektivu u mapi sa unutrašnjom ukrasnom trakom (u daljem tekstu: mapa) tamnoplave boje formata A4.
- (4) Izgled mape iz stava (3) ovog člana, čl. 17. stav (3), 18. stav (2) i 19. stav (2) ove uredbe nalazi se u Prilogu broj 5.

Član 17.

(Dodjela Značke)

- (1) Značku dodjeljuje Federalni, odnosno kantonalni štab civilne zaštite.

- (2) Uz Značku se uručuje i pisano priznanje o dodjeli Značke koje sadrži ime i prezime nagrađenog pojedinca, broj odluke iz člana 14. stav (2) ove uredbe, mjesto, datum i potpis komandanta štaba civilne zaštite.
- (3) Pisano priznanje iz stava (2) ovog člana izrađuje se u formatu A4, štampa na tvrdom papiru i uručuje nagrađenom u mapi tamnoplave boje formata A4.

Član 18.

(Dodjela Pohvale)

- (1) Pohvalu dodjeljuje Federalni, kantonalni, općinski i gradski štab civilne zaštite, kao i direktor Federalne uprave civilne zaštite, direktor kantonalne uprave civilne zaštite, odnosno općinski načelnik i gradonačelnik u izuzetnim prilikama iz člana 2. stav (3) ove uredbe.
- (2) Pohvala se uručuje nagrađenom pojedincu i kolektivu u mapi tamnoplave boje formata A4.

Član 19.

(Dodjela Zahvalnice)

- (1) Zahvalnicu dodjeljuje Federalni, kantonalni, općinski i gradski štab civilne zaštite, kao i direktor Federalne uprave civilne zaštite, direktor kantonalne uprave civilne zaštite, odnosno općinski načelnik i gradonačelnik u izuzetnim prilikama iz člana 2. stav (3) ove uredbe.
- (2) Zahvalnica se uručuje nagrađenom pojedincu i kolektivu u mapi tamnoplave boje formata A4.

Član 20.

(Dodjela Novčane nagrade)

Novčanu nagradu dodjeljuje Federalni, kantonalni, općinski i gradski štab civilne zaštite.

Član 21.

(Evidencija o dodijeljenim priznanjima i nagradama civilne zaštite)

- (1) Organi civilne zaštite iz člana 14. stav (1) ove uredbe dužni su voditi evidenciju o pojedincima i kolektivima kojima su

dodijeljena pojedinačna i kolektivna priznanja i nagrade civilne zaštite.

- (2) Evidencija iz stava (1) ovog člana vodi se u Knjizi evidencije o dodijeljenim priznanjima i nagradama civilne zaštite koja se izrađuje prema obrascu koji se nalazi u Prilogu broj 8.
- (3) Knjiga evidencije iz stava (2) ovog člana vodi se u vidu posebne knjige formata A3, sa tvrdim povezom tamnoplave boje, koja treba biti ostraničena, uvezana i ovjerena pečatom i potpisom direktora Federalne uprave civilne zaštite, direktora kantonalne uprave civilne zaštite, odnosno općinskog načelnika i gradonačelnika i čuva se trajno.

IV - PRIJELAZNE I ZAVRŠNE ODREDBE

Član 22.

(Prilozi)

Prilozi broj 1. do 8. nalaze se u prilogu ove uredbe i čine njen sastavni dio.

Član 23.

(Upotreba izraza)

Izrazi napisani samo u jednom rodu odnose se podjednako na muški i ženski rod.

Član 24.

(Prestanak primjene uredbe)

Danom stupanja na snagu ove uredbe prestaje da važi Uredba o vrsti, kriterijima i postupku za dodjelu priznanja i nagrada civilne zaštite ("Službene novine Federacije BiH", br. 23/04 i 38/06).

Član 25.

(Stupanje na snagu)

Ova uredba stupa na snagu narednog dana od dana objavljivanja u "Službenim novinama Federacije BiH".


V. broj 199/2020
06. februara 2020. godine
Sarajevo

Premijer
Fadil Novalić, s. r.




Слика 1.1. – Изглед предње стране Плакете цивилне заштите


Prilog broj 1



Слика 1.2. – Изглед поедине Плакете цивилне заштите



Слика 1.3. – Изглед писаног признанја о додјели Плакете цивилне заштите



Слика 1.4. – Изглед писаног признанја о додјели Плакете цивилне заштите


Prilog broj 2




Slika 2.1. – Izgled Značke civilne zaštite Federacije BiH (prednja strana i poleđina)




Slika 2.2. – Izgled Značke civilne zaštite kantona (prednja strana i poleđina)




Slika 2.3. – Izgled pisanog priznanja o dodjeli Značke civilne zaštite Federacije BiH



Slika 2.4. – Izgled pisanog priznanja o dodjeli Značke civilne zaštite Federacije BiH




Slika 2.5. Izgled pisanog priznanja o dodjeli Značke civilne zaštite kantona




Slika 2.6. - Izgled pisanog priznanja o dodjeli Značke civilne zaštite kantona


Prilog broj 3



Slika 3.1. Izgled pisane Pohvale civilne zaštite Federacije BiH




Slika 3.2. Izgled pisane Pohvale civilne zaštite kantona




Slika 3.3. Izgled pisane Pohvale civilne zaštite općine i grada


Prilog broj 4



Slika 4.1. Izgled pisane Zahvalnice civilne zaštite Federacije BiH




Slika 4.2. Izgled pisane Zahvalnice civilne zaštite kantona




Slika 4.3. Izgled pisane Zahvalnice civilne zaštite općine i grada


Prilog broj 5



Slika 5.1. Izgled prednje strane mape za priznanja i nagrade Federacije BiH



Slika 5.2. Izgled prednje strane mape za priznanja i nagrade kantona



Slika 5.3. Izgled prednje strane mape za priznanja i nagrade općine i grada

Prilog broj 6

Federalni /kantonalni/ općinski/ gradski štab civilne zaštite

Broj:

Mjesto i datum:

Na osnovu člana 14. stav (2) Uredbe o vrsti, kriterijima i postupku za dodjelu priznanja i nagrada civilne zaštite ("Službene novine Federacije BiH", broj ____), Federalni/ kantonalni/ općinski/ gradski štab civilne zaštite na _____. redovnoj sjednici održanoj _____. godine, donio je

O D L U K U**o dodjeli priznanja i nagrada civilne zaštite pojedincima i kolektivima****I**

Povodom 1. marta - Dana civilne zaštite Federacije Bosne i Hercegovine, pojedincima i kolektivima za naročito uspješan rad, djela i zasluge u oblasti zaštite i spašavanja u godini, Federalni/ kantonalni/ općinski/ gradski štab civilne zaštite dodjeljuje:

A – Plaketu civilne zaštite

(ime i prezime nagrađenog pojedinca, naziv kolektiva)

B – Značku civilne zaštite

(ime i prezime nagrađenog pojedinca)

C – Pisanu pohvalu civilne zaštite

(ime i prezime nagrađenog pojedinca, naziv kolektiva)

D – Pisanu zahvalnicu civilne zaštite

(ime i prezime nagrađenog pojedinca, naziv kolektiva)

E – Novčanu nagradu

(ime i prezime nagrađenog pojedinca)

II

Priznanja i nagrade civilne zaštite iz tačke I ove odluke će se uručiti pojedincima i kolektivima na svečanoj sjednici Federalnog /kantonalnog /općinskog /gradskog štaba civilne zaštite koja će se održati..... godine.

III

Za realizaciju zadataka vezanih za pripremu svečane sjednice Federalnog/ kantonalnog/ općinskog /gradskog štaba civilne zaštite, zadužuje se Federalna/ kantonalna uprava/ općinska/gradska služba civilne zaštite.

IV

Ova odluka stupa na snagu danom donošenja.

M.P

KOMANDANT

Prilog broj 7

Образец број 1: Приједлог за додјелу појединачног признања и награде цивилне заштите

1.	Vrsta priznanja i nagrade civilne zaštite:	(navesti naziv priznanja i nagrade civilne zaštite)
2.	Podaci o pojedincu za dodjelu priznanja i nagrade civilne zaštite:	Ime (ime oca) i prezime:
		Naziv poslodavca:
		Naziv radnog mjesta:
		Da li je bio dobitnik priznanja i nagrade civilne zaštite u prethodnim godinama:
		Vrsta dobijenog priznanja i nagrade civilne zaštite i godina dodjele:
		Adresa stanovanja i kontakt telefon:
4.	Образложење разлога за додјелу признања и награде цивилне заштите:	
5.	Други подаци од значаја за достављање приједлога:	

Образец број 2: Приједлог за додјелу колективног признања и награде цивилне заштите

1.	Vrsta priznanja i nagrade civilne zaštite:	(navesti naziv priznanja i nagrade civilne zaštite)
2.	Podaci o kolektivu za dodjelu priznanja i nagrade civilne zaštite:	Naziv kolektiva:
		Djelatnost koju obavlja:
		Adresa sjedišta i kontakt telefon:
		Da li je kolektiv bio dobitnik priznanja i nagrade civilne zaštite u prethodnim godinama:
		Vrsta dobijenog priznanja i nagrade civilne zaštite i godina dodjele:
4.	Образложење разлога за додјелу признања и награде цивилне заштите:	
5.	Други подаци од значаја за достављање приједлога:	

Napomena: U obrazloženju prijedloga navode se činjenice o djelu, poduhvatu, angažovanju, postignutim rezultatima i uspjesima na osnovu kojih se može odlučiti o dodjeli pojedinačnih i kolektivnih priznanja i nagrade civilne zaštite pojedincima i kolektivima.

